



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

De Quarta Funeralium. Cap. xiv.

**urn:nbn:de:hbz:466:1-10316**

39 Primò ¶ enim fallit in civitate Parisien-  
si, in qua clerici etiam in causis pecunia-  
riis, si vè agant, si vè conveniantur, forum  
seculare adire non tenentur, sed eorum  
causæ cognoscuntur in foro ecclesiastico,  
ut c. quod clericus, ubi etiam gl. & ibi Abb.  
num. 6. de for. comp. & Bar. in tract. diff.  
int. jus Canon. & jus Civil. num. 132. Ad-  
ducitur autem ratio, quia Episcopus Pari-  
sien. est etiam Comes, ut per gloss. & Bar.  
locis proximè citatis. Et nedum in Fran-  
cia, sed etiam Aretii clerici trahunt, & non  
trahuntur, ut post Specul. in tit. de ces-  
sio. actio. in prin. vers. quarto presupponitur,  
num. 8. testatur Caravit. super Ritu Mag. 42  
Cur. Rit. 229. num. 2.

40 Fallit ¶ secundò in civitate Bononiæ,  
eadem, & majori ratione. Nam Archie-  
piscopus Bonon. non solum est Comes,  
sed etiam Princeps, & idèd, ubicunque ¶  
41 litigari contingit inter clericos, & laicos,  
etiam si inter plures collitigantes unus sit

tantum clericus, trahit, & non trahitur. Et  
ita viget immemorabilis consuetudo,  
quod, & ipse testari possum, ad quem  
dum Vicariatus officium pro Alphonso  
Paleoto dictæ civitatis Archiepiscopo ex-  
ercui, quàm plures civiles clericorum  
causæ activè, & passivè cum laicis verten-  
tes delatæ fuerunt: Et licèt ex adverso a-  
liæ personæ privilegiatæ, nempe regulares,  
viduæ, aut pupilli existant, clerici tamen  
trahunt, & non trahuntur, arg. text. & not.  
in eod. cap. quod clericus, de for.  
comp.

Fallit etiam regula, quòd actor forum  
rei sequi ¶ debeat, in militibus Ordinis  
Sancti Ioannis Jerosolymitani, qui habent  
privilegia, quòd in quibuscunque causis  
activè, seu passivè trahant, & non trahan-  
tur, ut in privilegiis Pij IV. de quibus in  
Bull. cap. 14. §. nec non causas, pag. 671  
propè fin.

## DE QVARTA FVNERALIVM

### Cap. XIV.

#### S Y M M A R I V M.

1 Fvneralium quarta quando non obstan-  
tibus privilegiis cathedrali, seu pa-  
rochiali ecclesia debeatur.

2 Canonica portio, qua sit, & quibus debeat-  
tur.

3 Quarta solutio, à quibus monasteriis non  
persolvatur.

4 Episcopi, an portionem oblationum babe-  
re debeant.

5 Cathedralicum in honorem cathedra E-  
piscopalis ultra procuracionem persolvi  
debet.

6 Canonica portio, de quibus non debeatur.

7 Mortuorū officia, quibus diebus fieri soleant.

Et 2.

& Quar

- 8 *Quarta ex legato fabrica ecclesie facta, quando debeat.*
- 9 *Quarta ex legato facta ad pias causas, quando debeat.*
- 10 *Canonica portio nomine quarta intelligitur.*
- 11 *Quarta legatorum parochio debetur, etiam ultra legatum particulare sibi factum.*
- 12 *Quarta funeralis, de quibus debeat.*
- 13 *Quarta debetur de legato per testatorem viventem persoluto.*
- 14 *Quarta debetur etiam, quod testator se mandet sepeliri cum habitu fratrum illius monasterii.*
- 15 *Quarta debetur de his, qua testatores dant in infirmitate, de qua decedunt.*
- 16 *Quarta non debetur de legatis regularibus factis per eos, quia apud illos non sepeliuntur.*
- 17 *Quarta est in bonis ecclesiarum parochialium sicut falcidia in bonis heredis.*
- 18 *Aktor forum rei sequi debet.*
- 19 *Episcopi, tanquam Sedis Apostolicae delegati, & etiam de jure canonico, & Cesareo omnium piarum dispositionum sunt executores.*
- 20 *Episcopis quarta debetur de pluribus.*
- 21 *Quarta debetur Episcopis delegatis factis confraternitatibus laicorum.*
- 22 *Episcopi habent jus visitandi confraternitates laicorum.*
- 23 *Confraternitatibus laicorum excipientibus de privilegiis, quid agendum.*
- 24 *Administratores fabrica confraternitatum singulis annis Ordinario rationem reddere tenentur.*
- 25 *Quarta legatorum, quare Episcopis à confraternitatibus debeat.*
- 26 *Deo semel dicatum, non est ulterius ad usus humanos transferendum.*
- 27 *Ecclesia non consecrata gaudet eodem privilegio, quo & consecrata.*
- 28 *Quarta pars oblationum, an Episcopis debeat.*
- 29 *Quarta oblationum debita, 40. annorum cursu prescribitur.*
- 30 *Exempti ad quartam Episcopo persolvendam, non tenentur.*
- 31 *Quarta exemptorum debetur Papa.*
- 32 *Quarta dua quandoque deducuntur.*
- 33 *Quarta decimarum an Episcopis debeat.*
- 34 *Ecclesia contra ecclesiam spatio 40. annorum prescribit.*
- 35 *Ecclesia contra ecclesiam à solutione quarta decimarum oblationum, & legatorum quadragenaria prescriptione liberatur.*

**D**E CIMIS, ac primitiis, funeralium, quæ quarta dicitur, legitime succedit, nam quemadmodum per eas Deum in suis ministris recognoscimus, ita in recognitionem Ecclesie suæ, quæ filios regenerat, ac ad Deum assidue tam pro vivis, quam pro defunctis intercedit, portio funeris quarta de jure debetur.

Decrevit sancta synodus quibuscunque in locis jam ante annos quadraginta, quartam, quæ funeralium dicitur, cathedrali, aut ¶ parochiali ecclesie persolvi solitam, si postea fuerit ex quocunque privilegio aliis monasteriis, hospitalibus, aut quibuscunque locis piis concessa, eandem postea integro jure, & eadem portione, qua antea solebat, cathedrali, seu parochiali ecclesie

ecclēsiæ persolvi, non obstan. concessioni-  
bus, gratiis, privilegiis, etiam mari magno  
nuncupatis, aut aliis quibuscunque, conc.  
Trid. c. 3. de refor. sess. 25. & regulariter de  
omnibus relictis factis ecclesiis solvitur E-  
piscopo, & ecclesiæ parochiali canonica  
portio, Abb. in c. ult. n. 1. de testam. Est enim  
canonica ꝑ portio regulariter quarta, quæ  
tamen præscriptione fieri potest, ut loco  
quartæ portionis, quinta, vel sexta solvatur,  
& tunc titulus in hac præscriptione non est  
necessarius, cum jure canonico circa hanc  
portionem quartæ nulla sit certitudo; sed  
quandoque major, & quandoque minor E-  
piscopo solvatur, cap: certificar, de sepult.  
Abb. in c. officij, n. 2. & ibi Covar. n. 1. de test.

In monasterijs ꝑ autem fabricatis citra  
annos quadraginta, aut ijs, quæ vallata sunt  
privilegio Apost. dictum cap. 13. de reform.  
non habet locum, quoad solutionem quar-  
tæ, ut à sacra congreg. fuit decisum super  
eo, cap. ut in decis. sub tit. Tricaricen. Hirac.  
Tirafon. & quando regulares sunt in quasi  
possessione non solvendi quartam Episco-  
po, aut parochio, eisdem Episcopo, & pa-  
rocho incumbit onus probandi ante 40.  
annos elapsos solvi solitam ab eorum mo-  
nasteriis, ut ibidem in decis. sub tit. Terraci-  
nen. quia alleganti onus probandi incum-  
bit, Bart. in l. si minorem, n. 5. C. de in integr.  
restit.

Tempore enim ꝑ primitivæ Ecclesiæ,  
cum Episcopi essent pauperes, statutum  
fuit, ut ipsi de oblationibus Matrici Eccle-  
siæ factis sumerent medietatem, cap. anti-  
quos, 10. qu. 1. procedente tempore ex pa-  
rochialibus tantum tertiam oblationum,  
decimarum, tributorum, & frugum habe-  
rent, c. de his. & c. decernimus, ead. qu. 1. & c.  
constitutum, 16. qu. 1. Postmodum Gelasius

Papa quartam Episcopis debere decrevit  
ut in civobis, c. concessio, & c. quatuor, 12. qu. 2.  
sed hodie nec tertiam parochialium habe-  
bunt Episcopi, nisi ad fabricam reparan-  
dam, & velint etiam fabricam parochiali-  
um reparare, c. 1. 2. & 3. 10. qu. 3. & gl. in d.  
c. de his, & contra dispositionem dictorum  
canonum, nunc ex generali consuetudine,  
Episcopi pro ecclesiarum reparatione, aut  
alia de causa nullam à parochis recipiunt  
portionem, sed tantum cathedraticum,  
quod in honorem Cathedræ Episcopalis,  
i. duos solidos pro qualibet Ecclesia præ-  
ter procuracionem moderatam petere  
possunt, gloss. in sum. & c. 1. & c. inter ca-  
tera 10. qu. 3. parochos autem ad restaura-  
tionem Ecclesiarum, & alia ad cul-  
tum divinum necessaria in visitatione  
compellere possunt omni appellatione  
remota, conc. Trident. c. 7. circ. fin. de ref.  
sess. 13.

Regula autem, quod de relictis factis  
ecclesiis solvatur Episcopo, & parochio  
canonica portio, ꝑ fallit in pluribus, &  
primò, in his, quæ in ornamentis, vel pro  
cæteris, seu fabricæ luminarijs, anniversa-  
rio, septimis, vigesimis, vel trigesimis, ac  
alijs quæ ad perpetuum divinum cultum  
ecclesijs legantur ut est text. & ibi Abb. in  
c. ult. n. 2. de test. & benè Capic. in decis. 23.  
n. 2. & seq. ꝑ In officijs mortuorum alij ter-  
tium diem, alij septimum, alij trigessimum,  
& alij quadragesimum observare consue-  
verunt, Gen. c. 50. Deut. c. 34. Ambr. in lib.  
de obitu Theod. imp. relatus, in cap. quia alij,  
13. qu. 2. & Abb. d. nu. 2. præter anniversari-  
um, quod fit pro commemoratione ani-  
marum, & dicitur officium, quod fit sin-  
gulis annis, anno revoluta eadem die, qua  
ipse, qui legavit sepultus, vel defunctus  
fuit,

fuit, Abb. *disto. numer. 2. vers. quintus casus.*

8 Quod verò de relicto fabricæ non de-  
beatur quarta, procedit, quando ecclesia,  
cui legatum pro fabrica fit, indiget ædi-  
ficiis, aut refectione parietum, secus enim,  
si his non indigeat, quia tunc ex legato fa-  
bricæ factò, ne fiat fraus, Episcopo, aut pa-  
rochiali quarta detrahitur, ut tenet Covar:  
*in d. c. ult. nu. 4. vers. est tamen*, ubi existimat  
hanc magis communem esse, quæ tamen  
mihi non placet, sed verioremi puto, tali ca-  
su hoc legatum servandum fore in futu-  
ram parietum Ecclesiæ restorationem  
quandoque necessariam, aut pro picturis  
faciendis, quæ fabricæ æquiparantur, ut  
inquit Bald. *in l. si quis ad declinandum, §. in  
omnibus n. 11. C. de Episc. & cler.* aut in illius  
ampliationem, vel augmentum, per text.  
*in cap. vobis 12. qu. 7.* quem pro hac ultima  
opinionem ponderant, & sequuntur Gofr.  
Card. & Barb. *in eod. c. ult. relati* ab eodem  
Covar. *d. nu. 4. vers. est tamen.*

9 Secundò, fallit, si in relictis aliis locis pijs,  
*d. c. ultim. post. med.* ut, quòd quotannis fiat  
solemnitas alicujus Sancti, vel, quòd in ali-  
qua ecclesia constituatur præbenda, vel al-  
tare, aut pulpitum, vel aliud huiusmodi, ut  
ibi Innoc. *in princ. de testum.* sed, si legatum  
fiat simpliciter pio loco, non ad certum o-  
pus pium illius loci, tunc regulariter pia lo-  
ca tenentur ad canonicam portionem,  
Abb. *in eod. c. ult. num. 3.* & si fiat hospitali  
constructo auctoritate Episcopi, in quo  
habitent infirmi, etiam, si relictum fiat  
pauperibus ejusdem hospitalis, eidem  
quarta debetur: quia videtur testatorem  
habuisse respectum ad locum, non ad per-  
sonas pauperes, secus verò, ubi relictum fa-  
ctum fuisset sine determinatione alicujus,  
loci: quia tunc Episcopo nihil debetur,

Abb. *in eo. c. officij, nu. 7. de test. & canonicæ  
10 portionis nomine quarta intelligitur. In-  
noc. in c. requisisti, nu. 3. vers. sed ubi non con-  
stat, & ibi Abb. num. 19. & Covar. in d. c.  
officij, num. 2. vers. contract. quidem, de test. ac  
ita constituit, & ordinavit, Clem. V. per  
tex. in Clem. dudum, §. verum nò parochiales  
de sepul.*

11 Parocho t autem debetur quarta lega-  
torum, quæ relinquuntur ab aliqua perso-  
na ecclesiæ, in qua, omiſſa parochiali, se-  
mandavit sepeliri, *c. 1. & 2. de sepult. c. ult.*  
& ibi Covar. *nu. 3. de testam.* sed queritur,  
si testator legatum reliquit proprio paro-  
cho, & alibi elegit sibi sepulturam, an pos-  
sit parochus relictum sibi factum ab here-  
de exigere, & præterea occasione funeris  
quartam, aliàs sibi debitam accipere, *ut d.  
c. 1. & dista clem. dudum, de sepult.* & vide-  
tur, quòd non, quia ecclesiæ parochiali de-  
betur quarta ob ecclesiasticam sepultu-  
ram, aut in recompensationem onerum,  
quæ subjicit administrando sacramenta pa-  
rochianis suis, aut in satisfactionem inju-  
riæ, quia relictæ propria ecclesia elegit alibi  
sepulturam, sed utroque casu videtur sibi  
provisum per portionem propriè paro-  
chiali ecclesiæ relictam. Nam eligens alibi  
sepulturam debet relinquere ecclesiæ suæ  
quartam. Si verò reliquit certam portio-  
nem illi ecclesiæ præsumitur satisfecisse  
juri, quapropter non possit ab ecclesia-  
stica sepultura aliud peti, nisi, ut supplea-  
tur usque ad quartam. Fed. de Sen. *cons. 3.*  
quem sequitur Abb. qui ad contraria re-  
spondet, *in d. c. officij n. 5. de testam.* & ratio  
deducitur, quia, ubicunque debitor relin-  
quit aliquid suo creditori, videtur in dubio  
reliquisse animo compensandi eum debi-  
to, *l. si cum dotem, §. si Pater, ff. solut. matr.*  
& Abb.

& Abb. eod. c. officij, nu. 4. quæ sunt vera, & bene procedunt quando debitor necessarius testamento creditori relinquit, sed parochus non est creditor testatoris quia parochus debetur quarta portio ab ecclesia ex legatis, aut alias, ut infra, relictis ab ipsa ecclesia, aut pio loco, non autem ab hærede testatoris, Abb. in eod. cap. officij, nu. 4. circa fin. & ibi Covar. num. 1. vers. hæc verò, de test. & Bald. in l. si quis ad declinandum, §. in omnibus num. 2. C. de Episc. & Clo. & jura civilia intelligunt, quando debitum legale à testatore legatario debetur, quòd tunc compensatio fiat, Cravet. conf. 131. nu. 14. & Covar. in d. cap. officij, nu. 2. vers. in secundò de testam. secus autem, quando debitum legale non debetur à testante, sed ab alio, quamvis ex causa ipsius testatoris, sicuti quarta canonica portio, quæ non debetur à testatore, sed ab ecclesiis, quibus ipse testator legavit, quia tunc, si testator reliquisset parochò, non computaretur in quartam, cap. requisisti, extra de testam. l. interm. in auth. præter ea. num. 2. C. unde virg. & uxor, & ibi Dec. n. 13. cum aliis per Covar. allegatis, qui refert, hanc communem esse opinionem in d. c. officij, nu. 3. circa fin. de testam.

12. Quartam, non solum ¶ de sumptu funerali, qui fit in die depositionis, sed de obventionibus omnibus, tam funeralibus, quam quibuscunque, & quomodocunque relictis distincte, vel indistincte, ad quoscunque certos, vel determinatos usus, de quibus etiam quarta, sive canonica portio antiquitus dari, sive exigi non consueverat, vel non debebatur de jure, ac de datis, vel qualitercunque donatis in morte, seu mortis articulo in infirmitate donantis, vel dantis, de qua decesserit, quò-

modocunque directe, vel indirecte, fratribus, vel alijs pro eisdem parochialibus, sacerdotibus, & ecclesiarum rectoribus, seu parochijs, Clemens V. sua constitutione auctoritate Apostolica debet, & ad illam omnes, ad quos spectaverit, integrè persolvendam teneri ordinavit, ut in dist. clem. dudum, §. verum ne, de sepult.

13. Debetur ¶ etiam quarta, si testator legatum solvit in vita, quia nihilominus videtur solvere, ut legatum: unde legatarius illud iterum post mortem petere non potest, gloss. in ead. Clem. eo, §. veram in verb. datu. & ibi Abb. nu. 5. præterea debetur, ¶ etiam si testator mandet cum habitu fratrum illius monasterij se sepeliri, quia si ad ipsorum religionem in ægritudine, in qua decessurus erat, transiret, quarta deberetur, c. de his, de sepult. gloss. in d. §. verum in ver. decesserint, & ibi Abb. n. 51. ac etiam de his ¶ quæ testatores relinquunt, vel dant in infirmitate, ea decedunt, vel dari mandant post mortem singularibus fratribus ad eorum commoditates, ut ad emptiones vestium, vel librorum, nulla de his in testamento facta mentione, gloss. in eod. §. verum, in ver. indirecte, & ibi Jas. quest. 15. & Abb. nu. 52. & est ratio, quia id conventui quaritur, sicut per monachum monasterio, per servum Domino, & per filium patri, Instit. per quas, pers. nob. acqu. in princ. l. 1. in fin. & l. ult. C. eod. tit. c. non dicatis, l. 2. q. 6. 1. in fin. 18. quest. 1. & d. gloss. in verb. indirecte, quæ omnia procul dubio procedunt, quoad personas, quæ apud religiosos sepeliuntur.

16. Sed dubitatur, ¶ an regulares teneantur ad quartam de his, quæ eisdem relinquuntur per eos, qui apud illos omnino

ninò non sepeliuntur, & omnia disputatio-  
ne, ac varietate opinionum, ad illam quar-  
tam non tenentur, ut relatis opinionum  
diversitatibus tenet gloss. in *pradicto*, §. *ve-  
rum*, in *vers. quartam*, quam sequitur ibi  
Iac. qu. 18. & Imol. Abb. in *c. officij*, num. 6.  
17 in *fin.* & ibi Rave. *detest.* sed ¶ quia sicut  
falcidia est in bonis hæredis, sic quarta pa-  
rochis debita est in bonis ecclesiarum pa-  
rochialium, propterea eam vindicare pos-  
sunt, & inhiberi facere hæreditatibus, vel  
per fideicommissum gravatis, ne illam fra-  
tribus, sed ipsis parochis termino adveni-  
ente persolvant eandem, argum. text. in *l.  
hæres. in fin. ff. ad Trebell.* & tenet gl. in *d. §.  
verum*, in *verb. largiri*, & Abb. in *ead. glem.  
dudum*, num. 54 & ita cauti advocati super  
modo procedendi parochos consulere de-  
bent, quia fratres, propter exemptionem,  
ad exhibendam quartam per Ordinarios  
locorum compelli non possunt, gl. in *ead.  
elem. §. ultra portionem*, in *verb. coerceri*, &  
ibi Abb. num. 56.

Queritur nunc hoc casu quis erit iudex  
competens ad inhibendum hæredi laico  
gravato de non solvendo regularibus lega-  
to, nisi prius parochus quarta debita fuerit  
soluta; & cum parochus sit actor contra  
laicum, videtur, quod iudicem secularem  
18 adire debeat, quia ¶ actor regulariter fo-  
rum rei sequi debet, *c. si clericus laicum de  
for. comp.* vbi Doct. omnes, *cap. cum sit  
generale, eod. tit.* cum tamen parochialis  
ecclesia, cujus vice, & nomine parochus  
quarta debetur, sit causa pia pro cautela,  
ne legatarius persolvat integrum legatum,  
poterit Episcopus contra eundem lega-  
tarium, concedere inhibitionem, per d.  
glos. in *ver. largiri*, & Abb. d. n. 54. præ-  
sertim, quia pendet hæc inhibitio à pia

19 mente testatoris, & Ordinarij, ¶ etiam,  
tanquam Sedis Apostolicæ delegati in ca-  
sibus à jure concessis orantium piarum  
dispositionum, tam in ultima voluntate,  
quam inter vivos sunt exequutores, conc.  
Trid. *cap. 8. de resor. sess. 22.* & ibi Con-  
gr: Conc. *super eod. cap. in decis. sub. tit.  
Hispalen.* & non obstat, quod, qui debent  
persolvere aliquod legatum, sint officiales  
S. Officij Inquisitionis, & exempti à jurisdic-  
tione Ordinarij, vel professores in ali-  
qua Universitate ratione litterarum con-  
servatoriarum, quæ eximunt à jurisdic-  
tione ordinaria, non autem à delegata à sede  
Apostolica, ut hoc casu *super eod. cap. 8.* ab  
ead. Congreg. fuit decisum, in *decis. sub. tit.  
Patau.* & in *d. consuet. etiam.* Sunt etiam  
piarum dispositionum executores de jure  
civili, *l. nulli, c. de Ep. & cl.* & de jure ca-  
nonico, ut *c. nos quidem, c. si hæredes, c. tua  
nobis, c. Ioannes, de test. & cle. quia contin-  
git, de relig. dom.* & Parochus ad libitum  
suum disponere potest de quarta, quam  
acquirat nomine mortuorum, Bald. in *l.  
preses, ad fin. c. de transf.*

20 Alia quarta ¶ debetur Episcopis de reli-  
ctis, non solum ecclesijs, sed etiam mona-  
sterijs, hospitalibus, & aliis pijs locis factis  
non exemptis, *c. officij*, ubi Abb. n. 1. & Co-  
var. *etiam num. 1.* & *c. requisisti*, ubi Innoc.  
n. 1. & etiam Abb. nu. 9. *de testam.*

21 Queritur, nunquid debeat ¶ quarta  
Episcopis, ex his, quæ legantur con-  
fraternitatibus laicorum, quæ prætextu  
pietatis & devotionis sub regimine offici-  
alium ab ipsis electorum congregantur, &  
quod hæc legata non sint locis pijs, sed per-  
sonis, & ideo non debeantur, facit, text. in  
*cap. requisisti, de testam.* tenet Bald. in *l.  
si quis ad declinandum, §. in omnibus,*

nu. 19. C. de Episc. & cler. Abb. in d. c. officij. 23. dist. cap. 8. & cap. 9. eadem sess. 22. exequi. in fin. de testa. & in cons. 31. num. 1. vers. ter. rō induco. vol. I. Fed. de Sen. cons. 129. Calc. cons. 21. & Covar. in d. c. officij nu. 12. Contrariam verò opinionem, quod hæc quarta Episcopo debeatur, tenent in eod. c. officij. Anchar. & Barbat. num. 7. Petr. de Perul. late in tract. de quar. canon. 14. qu. principali, & post diligentem disputationem eandem opinionem sequitur Barb. cons. 1. nu. 2. vol. 4. quam communem esse testatur, & sequitur Covar. eod. num. 12. cui non ob-

stant in contrarium adducta, quia cessat nunc primum, & præcipuum fundamentum, Abb. quod confraternitates sint loca, & personæ exemptæ à jurisdictione Episcopi, cum fiat illius jurisdictioni subiectæ, ut per conc. Trid. c. 1. de refor. sess. 22. & novissimè per constit. Clem. VIII. sub die 7. Decembris 1604. editam.

Nam admittitur, quod sint puri laici, & foro seculari subiecti, ut singuli, sed Episcopi tanquam Sedis Apostolicæ ¶ delegati habent jus visitandi easdem confraternitates laicorum, etiam quas scholas, sive quocunque alio nomine vocant, non tamen, quæ sub immediata regum protectione sunt, sine eorum licentia, etiam, si eorum cura ad laicos pertineat, atque eadem confraternitates exemptionis privilegio sint munitæ, ac omnia, quæ ad Dei cultum, aut animarum salutem, seu pauperes sustentandos instituta sunt, ipsi ex officio suo juxta factorum canonum statuta cognoscere, & exequi debeat, non obstante quacunque consuetudine, etiam immemorabili privilegio, aut statuto, conc. Trid. c. 8. sess. 22. de refor. & debet Episcopus confraternitatibus visitationem imponere, & exactionem rationum, juxta

Si verò ¶ confraternitates excipiant de privilegijs, aut de aliqua alia re, propter quam visitari se non posse prætendant ab Ordinario, tunc earum allegationes in facto, & in jure ad sacram congregationem sunt transmittendæ, & interim est superferendum, ut fuit ab eadem sacra congregatione decisum, ut in decis. sub tit. Ruben. & alia sub titulo Mediolanen. super eod. cap. 9.

Administratores autem ¶ tam ecclesiastici quam laici, fabricæ cujusvis ecclesiæ etiam cathedralis, hospitalis, & confraternitatum, & hujusmodi piorum locorum singulis annis Ordinario rationem reddere tenentur, consuetudinibus, & privilegijs quibuscunque in contrarium sublatis, nisi secus in institutione, & ordinatione talis ecclesiæ, seu fabricæ expressè cautum esset: & si ex consuetudine, vel privilegio, aut constitutione aliqua loci, alijs ad id deputatis ratio reddenda esset, tunc cum illis, & Ordinarius debet adhiberi, & aliter factæ liberationes administratoribus minimè suffragantur, concil. Trident. cap. 9. ead. sess. 22. & administratores locorum piorum etiam exemptorum nemini alias rationem reddentes, Episcopo eam reddere debent, & si alijs reddere consueverunt, cum illis est etiam principaliter Episcopus adhibendus, congreg. conc. super eodem cap. 9. sub titul. Mediolanen. Cremonen.

Idem, cum ex dispositione concilij hodie confraternitates subsint Episcopis ratione oneris ¶ Episcopalis, debent legata pro quarta Episcopis communicare, Abb. in eod. cons. 31. vers. nec obstat unum. Cessat etiam secundum fundamentum,



- quod possint confraternitatum scholæ ad libitum constructoris dissolvi, *ut in eod. conf. 31. nu. 2.* quia, quicquid esset olim, hodie à communiter accidentibus omnes confraternitates habent oratoria, in quibus divina celebrantur, campanile, campanas, sacristiam cum paramentis, ac omnibus alijs ad usum ecclesiæ non parochialis necessarijs, & proprios capellanos pro celebratione Missarum, quapropter non possunt ad libitum constructoris dissolvi; quia oratoria ¶ sunt Deo dicata, & semel Deo dicatum, non est ad usus humanos ulterius transferendam, *c. que semel, 19. q. 3. c. adhuc, extra de relig. dom. & ibi gloss. in ver. mundanis, & c. semel Deo dicatum, de 30 reg. jur. in 6.* Nec obstant quod non sint consecrata, quia ecclesia ¶ non consecrata gaudet eodem privilegio, quo consecrata, & obsequijs divinis dicata, nullius sunt temerarijs ausibus prophananda, *cap. penul. ext. de imm. Eccles. & c. ult. & ibi gloss. in ver. non consecrata, de consec. Eccl. vel Alt.* Ex quibus post Covar. loco supra citato, quod de legatis confraternitatibus factis debeat Episcopis de jure quarta, ut verè & communi opinionem me subscribo, dummodò in contrarium non obstet præscripta consuetudo.
- 27 Videtur etiam Episcopis ¶ debita quarta pars oblationum, *c. de his, cap. antiquos, 10. quest. 1. cap. concessio, & cap. vobis, 12. quest. 2. Abb. in cap. ult. circa fin. de testam. & Covar. in d. cap. officij, in princ. sed dicta jura habebant locum, & servabantur antiquis temporibus, quando Episcopi erant pauperes, ut supra deduxi, Sed cum postea ceperint habere redditus competentes, fuerunt dicta jura reformata, ita quod Episcopis nihil deberetur præter Cathedralicum, *cap. 1. 10. quest. 3. & gloss. in d. c. de his, 10. qu. 1.**
- 29 Idè quadragenaria ¶ temporis præscriptione circa quartam oblationum clerici se tueri possunt, *cap. de quarta, & ibi gloss. ext. de præscript. & Abb. in d. conf. 31. nu. 3. vers. itaque.* Debetur quarta Episcopalis solum ab ecclesijs Episcopo subiectis, propter communionem, quæ est inter Episcopum, & ecclesiam sibi subiectam, (sed inter ecclesiam exemptam, & Episcopum communio cessat, & ratione oneris, quod sustinet Episcopus circa curam ecclesiarum sibi subiectarum, quæ ratio etiam cessat in exemptis, vel in recognitionem superioritatis, quæ pariter ¶ in exemptis cessat, à quibus quarta Episcopo non debetur, Innoc. in d. cap. officij, in princ. & ibi Abb. n. 6. Fed. de Sen. in conf. 96. Bal. in l. si quis ad declinandum. §. in omnibus, num. 6. & nu. 11. C. de Episcopis, & cler. idem Abb. in conf. 37. n. 1. vers. sed certè, par. 1. & Felyn. in d. cap. quarta, in princ. vers. & tenementi, de præscript.
- 31 Quarta enim ¶ exemptorum debetur Papæ, qui est Ordinarius, & Episcopus exemptorum, *c. auctoritate, de priv. in 6. & Abb. in d. c. officij, num. 8.* qui testatur hanc esse communem Doct. sententiam, quæ tamen quarta fuit per Constitutionem Papæ clem. V. parochijs concessa, ut in d. clet. dudum, de sepult. Et cum Episcopi quartam ab ecclesijs sibi subiectis tantum percipiant, parochialium rectores illam percipiunt jure parochialis à Regularibus exemptis, per d. clem. dudum de sepult. cum alijs supra allegatis, quibus addo. Abb. in dict. conf. 17. num. 2. Nam etiam contingere potest, quod ab undè, & eodem legato ¶ duæ quartæ deducantur, ut quando lega-

legatum relinquatur ecclesie seculari, in qua testator omissa ecclesia parochiali sibi elegit sepulturam, quoniam debetur ex eo quarta Episcopo, cui ecclesia subdita est, & alia quarta ecclesie parochiali, Abb. in dict. cap. officij, num. 5. in fin. & in cap. certificari, ubi, quod tali casu prius est deducenda quarta parochialis Ecclesie, numer. 11. de sepult. & Covar. post alios, quos citat in eo. cap. officij, numer. 8.

Decimarum † Quarta etiam Episcopis à clericis debetur, d. c. conquerente, de offic. 35 ordin cap. de quarta, ubi gl. in vers. se posse, Hostien & Ioann. Andr. de prescr. Rebuff. in d. tract. de deci. qu. 3. num. 14. & Monet. quest. 7. num. 14. eod. cit. dummodo non sit prescripta, quia de quarta decimæ, & oblationis defunctorum clericus ab impetitione Episcopi quadragenaria temporis prescriptione se tueri potest. d. c. de quarta & c. illud, de prescript. Abb. qui hanc dicit communem opinionem in dict. conf. 31. circa fin. par. 1. & in conf. 26. numer. 5. par. 2.

Et pari modo regulares prescribunt quartam funeralium, & legatorum contra parochos † spatio quadraginta annorum, quia Ecclesia se potest aduersus ecclesiam quadragenaria temporis prescriptione tueri, c. illud, & gloss. in c. de quarta, in verbo quadragenaria, extra de prescript. in rebus autem ecclesiasticis prescriptio est quadragenaria, c. dilecto, c. ult. de consue. & c. Romana, de elect. c. cum ecclesia de caus. poss. & proprie. c. de quarta, & c. ad aures, de prescr. etiam sine titulo, quo ad prescriptionem libertatis † non solvendi quartam decimarum, nec oblationum, aut legatorum: Sed si una ecclesia fundat suam intentionem in prescriptione quadragenaria percipiendi decimas in aliqua parochia, cum talis perceptio sit contra jus, titulus est necessarius, ad tantum temporis spatium, cuius initij memoria in contrarium non existat, c. 1. de prescr. in 6. c. ad decimas. derestit. spol. eo. lib. gloss. in c. ad aures, in verbo quadragenaria, extra de prescr. & Abb. in d. conf. 26. num. 4. par. 2.

## DE CENSIBVS.

### Cap. XV.

#### S Y M M A R I V M.

- 1 Census antiquus, quomodo creabatur.
- 2 Census antiquus à censu ad prescriptam formam constitutionis Pij V. differt.
- 3 Census antiquus constituebatur cum translatione utilis & directi domini.
- 4 Dominium utile, & directum in censu novo non transfertur.
- 5 Census ad prescriptam formam constitutionis Pij V. super re immobili, & certis finibus designata constitui debet.
- 6 Confiniū expressio sit ad rei demonstrationē.

AAA 2

Recd.